

Redovni izvještaj dnevnih događaja i pojava

Izvještaj se odnosi na događaje u vremenskom periodu od 28.02.2026. godine od 08:00 sati do 01.03.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bosanska Krupa. Vatrogasna jedinica grada Bosanska Krupa imala je intervenciju na gašenju požara od 14.30 do 15:40 sati u mjestu Vranjska, gdje je gorjelo nisko rastinje.

Općina Bosanski Petrovac. Vatrogasna jedinica općine Bosanski Petrovac imala je dvije intervencije:

- Od 14:40 do 18:10 sati u mjestu Smoljana gorjela je trava i nisko rastinje.
- Od 18:40 do 19:30 sati u mjestu Revenik, gorjela je trava.

Općina Sanski Most. Vatrogasna jedinica općine Sanski Most je imala intervenciju od 19:35 do 20:35 sati u mjestu Stari Majdan, gdje je gorjela trava.

Općina Velika Kladuša. Vatrogasna jedinica općine Velika Kladuša je imala tri intervencije:

- Od 18:02 do 18:45 sati u mjestu Dolovi, gorjela je šuma.
- Od 19:08 do 20:30 sati u mjestu Čelinje, gorjela je trava.
- Od 19:37 do 20:40 sati u mjestu Dabrovine, gorjela je trava.

Vatrogasne jedinice u ostalim općinama i gradovima nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Svi magistralni i regionalni putevi su prohodni.

Zbog uređenja pojasa uz magistralnu cestu Cazin-Velika Kladuša, u vremenu od 08 do 16 sati na mjestu izvođenja radova saobraća se usporeno, jednom trakom. Povodom državnog praznika 1. marta, Dana nezavisnosti Bosne i Hercegovine, večeras do ponoći zabranjen je prijevoz eksplozivnih materija na teritoriji Federacije Bosne i Hercegovine.

Za vrijeme održavanja tradicionalne utrke maratona povodom Dana nezavisnosti danas će na magistralnoj cesti M-14 Bosanska Otoka-Bosanska Krupa-Bihać vozila saobraćati usporeno do kraja maratona.

Na graničnim prelazima zadržavanja za putnička vozila su kratkotrajna.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desila se jedna saobraćajna nezgoda.

Jedno lice zadobilo je lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Vodosnabdijevanje je zadovoljavajuće.

NEEKSPLODIRANA UBOJNA SREDSTVA –NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 2 °C.

Vodostaj rijeke Une iznosi 50 cm, (početak obavještavanja je 100 cm).

U općini Sanski Most u 07:00 sati temperatura je iznosila 1 °C.

Vodostaj rijeke Sane iznosi 135 cm (početak obavještavanja je 310 cm).